

# أهالي الشرقية يوجهون رسالة إلى الراعي الرسمي للفساد في مصر



الخميس 1 يونيو 2017 06:06 م

أرسل عدد من الأهالي بمركز ههيا بالشرقية رسالة لقائد الإنقلاب العسكري علي موقع التواصل الإجتماعي فيس بوك مستنكرين ازالة المحلات التي يملكونها وتعتبر مصدر الرزق الوحيد لهم بالمدينة .

واستنكر الأهالي قيام عضو برلمان العسكر بالمدينة اللواء عصام أبو المجد بالوقوف خلف هذه الإزالات لمصلحة الشخصية والخاصة وفيما يلي نص الرسالة:

"السيد الرئيس عبد الفتاح السيسي الراعي الرسمي للفساد والمفسدين في مصر

تحية زي الزفت علي دماغك وعلي دماغ كل واحد مسؤول في البلد دي لم يعمل للصالح العام ومصلحة المواطن الكادح الحريص علي أكل لقمة عيشه من حلال

عايزيين نفهم من سعادتك البلد دي هتفضل ماشية بالكوسة والمصلحة الشخصية لحد إمتي وهتفضلوا لحد إمتي في حالة إرهاب وتخويف للشعب الغلبان وأخذ حقه منه بالقوة المفرطة واللي يعترض يلقي مصير لا يعلمه إلا الله علشان ملوش ظهر في البلد دي عايزيين نعرف برضوا حق الناس إللي تم إزالة أماكن أكل عيشهم بعد ان تم شراءها من قبل الدولة قبل ذلك وبعد ان تم صرف كل ما يمتلكون من أموال علي هذه المحال لكي يفتاتوا منها هم وأسرهم عايزيين نعرف إزاي الدولة تبيع وبعدين ترجع تغتصب حق الناس بالقوة وإذا تم التعرض لها يتهم الشعب الغلبان بالإرهاب ومن الممكن أن يقتل او يسجن ويضيع مستقبل أسر بأكملها علشان نرضي بعض المسؤولين في الدولة وعلي رأسهم النائب الذي قامت الدائرة بإنتخابه ليدافع عن حقوقها وليس لإغتصاب حقوقهم لتحقيق بعض المصالح الشخصية علي حساب المواطن الغلبان

عايزيين نعرف هتفضل لحد إمتي نهدر في المال العام طبعاً في واحد غبي ممكن يسبب الكلام كله ويقولك هو فين المال العام اللي بيهدر هقوله ماهو اللي من عينة حضرتك دايماً باصص تحت رجليه وميعرفش يرفع راسه لأنه شايف انه ملوش كرامة ودايماً بيتساق زي الغنم وميعرفش يفكر وأحب اقله إن المال العام هيهدر لما تكلف الدولة ما لا تتطبيق لعمل مشروع ضرر أكبر من نفعه وممكن يتشال ثاني في اي وقت واللي هو المزلقان المزعم إقامته مكان المحال التي أزيلت من أماكنها

وطبعاً في هناك قطيع من البشر أصحاب المصالح الشخصية برضوا هيقبلوا الموضوع انها كانت حرب بين السيد اللواء المبجل وبعض الأشخاص المحترمة في البلد التي لا تريد اي منفعة ولا يهمها اي شيء غير الصالح العام وبعدين اللواء كسب لإنهم كدابيين زفه وتناقلة سلطان

وسؤالي هنا قبل ما أنهي كلامي لكل من شارك في هذه المصيبة النكراء الناس دي حقها هيروح فين والفلوس إللي إشتروا بيها هتروح فين ويا تري هتتعوض عنها ولا لأ

وفي نهاية الكلام أتقدم أنا المواطن ابن ههيا أحمد إسماعيل بخالص التعازي والمواساة لكل أصحاب المحال اللتي تم الإعتداء عليها من قبل الفسدة والمسؤولين عديمي الضمير وأدعوا الله العلي القدير بأن يعوضهم خيراً في مصيبتهم ويخلفهم خيراً منها وحسبنا الله ونعم الوكيل".